

**Konditiounen, fir beim nationale Literaturconcours 2026 matzemaachen
(Règlement du Concours littéraire national 2026)**

1. Zënter 1978 organiséiert de Ministère fir Kultur all Joers e Concours mam Zil, dat literarescht Schaffen zu Lëtzebuerg ze encouragéieren. Beim Concours kënnen Auteurs/Autorinne souwéi Kollektiver vun Auteurs/Autorinne matmaachen, déi resp. deenen hir Memberen déi Lëtzebuerger Nationalitéit hunn oder zu Lëtzebuerg wunnen oder hir fest oder predominant Aarbechtsplaz resp. verschidden Aarbechtsplazen zu Lëtzebuerg hunn.

2. Den *nationale Literaturconcours 2026* ass fir Gedichtbänn an de Sproochen Lëtzebuergesch, Franséisch, Däitsch an/oder Englesch reservéiert. Et si Präisser an zwou Kategorië virgesinn: fir erwuessen Auteurs/Autorinne vun 20 Joer un a fir jonk Auteurs/Autorinne vun 12 bis 19 Joer.

3. Jiddwer Auteur/Autorin resp. jiddwer Kollektiv vun Auteurs/Autorinnen däerf just een Typoskript areeche. Déi, déi matmaachen, kënnen hiert Thema, déi ënner Punkt 2 genannte Sprooch(en) an de Public, fir deen de Gedichtband geduecht ass, fräi bestëmmen.

4. Et däerfe just onverëffentlecht Texter agereecht ginn. Si däerfe weeder als Ganzt nach an Deeler verëffentlecht oder verbreet gi sinn, éier d'Resultater vum Concours duerch en offizielle Communiqué vum Ministère fir Kultur matgedeelt goufen. Et handelt sech ëm eng strikt perséinlech an original Aarbecht, déi ouni den Asaz vu Kënschtlecher Intelligenz gemaach gouf. Iwwersetzungen vu Wierker, déi et scho ginn, och wann et just Deeler dovun sinn, sinn net zougeloss. Am Fall vun Adaptatiounen mussen d'Referenzen vum Originaltext op der éischter Säit vum Typoskript stoen.

5. D'Texter si gebonnen, mat der Schreifmaschinn geschriwwen oder a gedréckter Form an enger Schrëft, déi gutt ze liesen ass, anzereeche.

6. D'Typoskripter musse **bis spéitstens dënschdes, den 30. Juni 2026** a sechs Exemplairë beim Ministère fir Kultur ukomm sinn. Et gëllt den Datum vum Poststempel.

7. Um Dossier vun de Participanten a Participanteë muss d'Mentioun *Concours littéraire national 2026* stoen. Den Dossier ass an enger grousser Enveloppe un de Ministère fir Kultur ze schécken resp. an der Receptioun vum Ministère fir Kultur ofzeginn. D'Enveloppe muss adresséiert sinn un de *Service de la création et de la promotion artistiques - Littérature et édition*, Ministère de la Culture, 4, bd F-D Roosevelt, L-2450 Luxembourg. An der Enveloppe musse sinn:

a. **déi 6 Exemplairë vum Text**, op deene keng perséinlech Kennzeechnung däerf sinn, déi den Auteur/d'Autorin resp. de Kollektiv vun Auteurs/Autorinne kéint identifizéieren. Op jiddwer Kopie däerf just den Titel vum Wierk, de Pseudonym an d'Alterskategorie stoen.

b. eng **kleng, zouen Enveloppe**, op där dat heite steet:

- de fräi gewielte Pseudonym
- den Titel vum Wierk
- d'Alterskategorie („erwuessen Auteurs/Autorinne vun 20 Joer un“ oder „jonk Auteurs/Autorinne vun 12 – 19 Joer“)

an an där e Schreiwes läit mat

- dem korrekten Numm a Virnumm vum Auteur/der Autorin resp. den Auteurs/Autorinne vum Kollektiv

- der Adress an der E-Mail-Adress
- der Telefonnummer vum Auteur/der Autorin resp. den Auteurs/Autorinne vum Kollektiv
- eng ënnerschriwwen Déclaration sur l'honneur, déi bestätegt, datt de virgeluechten Typoskript keng Texter enthält, déi mat Kënschtlecher Intelligenz generéiert goufen.

8. De Jury, dee vum Ministère fir Kultur aus engem Krees vum Literatur-Experten/Expertinnen ernannt gëtt, besteet aus fënnef Memberen, déi sech an dësem Beräich duerch hiren Diplom, hir Verëffentlechungen oder hire Beruff ausgezeechent hunn. D'Aarbechte vum Jury si geheim. De Jury ernannt e President/eng Presidentin aus senger Mëtt an hält sech un de *Règlement général de fonctionnement du jury du Concours littéraire national*, deen op Ufro beim Ministère ze kréien ass an och op deem senger Websäit steet.

9. D'Sekretariat vum Jury iwwerhëlt e Mataarbechter/eng Mataarbechterin vum Ministère fir Kultur. De Sekretär/d'Sekretärin vum Jury ass bei de Sitzunge vum Jury dobäi, därer sech awer weeder un den Diskussiounen nach un der Ofstëmmung bedeelegen. De Sekretär/d'Sekretärin suergt derfir, datt d'Reglementer vum Concours agehale ginn.

10. D'Membere vum Jury wéi och d'Mataarbechter/d'Mataarbechterinne vum Ministère fir Kultur dürfen net beim Concours matmaachen.

11. Well d'Auswiel vun de Laureaten/Laureatinne just op Basis vun de Pseudonymme geschitt, ka keen Accusé de réception vum Typoskript verschéckt ginn.

12. D'Typoskripte ginn net zeréckgeschéckt. Weeder d'Membere vum Jury nach aner Persounen ginn déi perséinlech Date vum Auteur/der Autorin resp. den Auteurs/Autorinne vum Kollektiv vun den net-priméierte Bättrë gewuer. D'Enveloppen an een Exempleire vum Text ginn un de Fonds vum Nationale Literaturzentrum zu Miersch a si fir eng Dauer vu 75 Joer net zougänglech. Déi aner Exemplaire vun den Texter gi vum Sekretär / vun der Sekretärin vum Jury zerstéiert.

13. E Communiqué de presse gëtt d'Entscheedunge vum Jury am November 2026 bekannt. De Communiqué ass och op der Websäit vum Ministère <http://www.gouvernement.lu/mc> ze fannen. D'Präisiwwerreechung fënnt am Laf vum Mount Dezember 2026 statt.

14. An der Kategorie „erwuessen Auteurs/Autorinne vun 20 Joer un“ kann de Jury follgend Präisser verdeelen:

- en éischte Präis vun 7.500 € fir den Auteur/d'Autorin an e Bättrë vu maximal 5.000 € zu den Editionsäschte vum ausgezeechente Wierk op Basis vun engem Dossier, virgeluecht vun engem unerkannten Verlag.
- en zweete Präis vun 4.000 €
- en drëtte Präis vun 3.000 €

15. Et gëtt keng Ex-aequo-Entscheedungen.

16. An der Kategorie „jonk Auteurs/Autorinne vun 12 – 19 Joer“ kann de Jury ee mat 3.000 Euro dotéierten éischte Präis verginn.

17. Den Auteur/d'Autorin resp. d'Auteurs/Autorinne vum Kollektiv behalen all d'Rechter un hirer Verëffentlechung.

18. Mat der Participatioun um Concours erkennen d'Participanten an d'Participanteën déi uewe genannte Konditiounen alleguer un.

Weider Informatiounen: info@mc.public.lu

*Ministère de la Culture, Service de la création et de la promotion artistiques - Littérature et édition /
Tel.: 247-76616*

Sollt déi lëtzebuergesch Versioun vum Inhalt vum franséischen Original ofwäichen, gëllt am Zweifelsfall dat franséisch Original.